



OBAVJEST

OBAVLJENA PRVA RUNDA MIROVNOG PREGOVARANJA

Danas, 24.januara/siječnja 2011.godine, u prostorijama Kabineta ministra prometa i komunikacija u Vladi FBiH je održano zakazano pregovaranje o kolektivnom sporu koji su pokrenuli Sindikat mašinstvo i strojarstva u FBiH i Samostalni sindikat izvršnog osoblja područja infrastrukture ŽFBiH u pravnoj stvari stavljanje van snage donošenog Kolektivnog ugovora izmjene i dopune Kolektivnog ugovora željezničara Federacije BiH koji je na snazi od 20.10.2010.godine.

Pregovore je vodio pomoćnik ministra g.Izet Mehinagić kao predstavnik Federalnog ministarstva prometa i komunikacija sa jedne strane i predsjednici sindikata, potpisnici Kolektivnog ugovora željezničara FBiH, Vernes Buljugija, Munir Spahić i Igor Boban sa po jednim predstavnikom i opunomoćenik, ispred sindikata pokretača radnog spora, advokat Maja Škoro sa druge strane. Pregovorima su prisustvovali, bez prava glasa i odlučivanja, opunomoćenik ispred Uprave Društva JP ŽFBiH d.o.o.Sarajevo.

Pošto zapisnik (službena zabilješka) današnjeg pregovaranja nije verificiran od strane pregovarača, prenosimo dio informacije koje smo dobili od strane pregovarača ispred sindikata.

Naime, Federalno ministarstvo prometa i komunikacija i potpisnik Kolektivnog ugovora željezničara FBiH je prijedloga (stava) da Kolektivni ugovor izmjena i dopuna kolektivnog ugovora željezničara FBiH ostaje i dalje na snazi, kako stoji, do godinu dana kada bi se pristupilo novim pregovaranjem, sve vezano za konsolidovanje finansijskog poslovanja našeg preduzeća i ispunjavanje uslova Posebnog ugovora kao uvjet kredita od 79 milona KM koji su predmet davanja garancija.

Pregovarači, potpisnici Kolektivnog ugovora, ispred sindikata su zajedničkog stava da primjena spornih izmjena i dopuna Kolektivnog ugovora prestaje sa važnošću do 31.12.2010.godine, a da se plata za januar mjesec i naredne plaće obračunavaju sa netom satnicom 1,94. Što se tiče isplaćene oktobarske i novembarske plaće i neisplaćene plaće za decembar 2010.godine se neće osporavati isplata primjenom neta satnice od 1,75 niti će se na bilo koji način izvršiti naknadno potraživanje osnovom „pogrešnog“ ili nezakonitog obračuna nabrojanih plaća.

Prihvatajući ovakav stav pregovarača-sindikalaca, a potisnut činjenicom podnešenog tužbenog zahtjeva za nezakonito donošenog Pravilnika VIII izmjena i dopuna Pravilnika o radu, koji je u toku, voditelj pregovora g.Izet Mehinagić je predložio da se o ovom stavu izjasni Uprava Društva JP ŽFBiH d.o.o.Sarajevo i prisutnom opunomoćeniku (ispred Uprave) je dato do znanja uz očekivanje odgovora/odluke (mišljenja) do ponedjeljka 31.01.2010.godine kada je zakazana druga runda pregovaranja.